

RJEŠENJE

O RAZRJEŠENJU V.D. PREDsjedNIKA I V.D. ČLANOVA NADZORNOG ODBORA JAVNE USTANOVE "APOTEKE SARAJEVO"

I

Razrješavaju se v.d. predsjednik i v.d. članovi Nadzornog odbora Javne ustanove "Apotheke Sarajevo", obzirom da im je mandat istekao zaključno sa 17.03.2016. godine, i to:

1. Nermina Đugum, v.d. predsjednik
2. Meho Dapčević, v.d. član
3. Nedžad Borišić, v.d. član.

II

Ovo rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-05-9504-26.29/16

29. marta 2016. godine
Sarajevo

Premijer

Elmedin Konaković, s. r.

Na osnovu člana 26. i člana 28. stav 3. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 34. stav 3. Uredbe sa zakonskom snagom o ustanovama ("Službeni list R BiH", br. 6/92, 8/93 i 13/94), člana 16. stav 3. Odluke o preuzimanju prava i obaveza osnivača i usklađivanju organizacije i poslovanja Javne ustanove "Apotheke Sarajevo" ("Službene novine Kantona Sarajevo", br. 7/12) i člana 47. stav 1. Statuta Javne ustanove "Apotheke Sarajevo" ("Službene novine Kantona Sarajevo", broj 4/14), a na prijedlog Ministricke zdravstva, Vlada Kantona Sarajevo na 37. sjednici, održanoj 29.03.2016. godine, donijela je

RJEŠENJE

O IMENOVANJU PREDsjedNIKA I ČLANOVA NADZORNOG ODBORA JAVNE USTANOVE "APOTEKE SARAJEVO"

I

Imenuju se predsjednik i članovi Nadzornog odbora Javne ustanove "Apotheke Sarajevo", i to:

1. Nermina Đugum, predsjednik
2. Amra Ajanović, član
3. Alisa Redžić, član.

II

Mandat predsjednika i članova Nadzornog odbora Javne ustanove "Apotheke Sarajevo" traje četiri (4) godine.

III

Ovo rješenje stupa na snagu danom donošenja i isto će se objaviti u "Službenim novinama Kantona Sarajevo".

Broj 02-05-9504-26.30/16

29. marta 2016. godine
Sarajevo

Premijer

Elmedin Konaković, s. r.

Na osnovu člana 26. i 28. stav 3. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 7. stav 2. tačka 2) Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", br. 75/04, 38/06, 52/09, 56/09 i 36/14), Vlada Kantona Sarajevo, na prijedlog Kantonalne uprave civilne zaštite, na 38. sjednici održanoj 31.03.2016. godine, donijela je

RJEŠENJE

O IMENOVANJU KANTONALNE KOMISIJE ZA PROCJENU ŠTETA OD PRIRODNIH I DRUGIH NESREĆA

I

U Kantonalnu komisiju za procjenu šteta od prirodnih i drugih nesreća imenuju se:

1. Kenan Softić, dipl. ing. grad. - predsjednik
2. Sanel Gazija, dipl. ecc. - član
3. Emina Haljković, dipl. ecc. - član
4. Senad Omerović, dipl. ing. polj. - član
5. Eldina Banda, dipl. ecc. - član
- Aida Šećeragić, dipl. prav. - sekretar

II

Zadaci Komisije su da:

- prati, objedinjava, usmjerava i vrši nadzor nad radom općinskih komisija na području Kantona Sarajevo, te pruža stručnu pomoć u pravilnom primjenjivanju Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", br. 75/04, 38/06, 52/09, 56/09 i 36/14);
- vrši provjeru realnosti procjene šteta koju utvrde općinske komisije uvidom u dokumentaciju i stvarno stanje nastale štete;
- izrađuje zbirni izvještaj o procjeni šteta na području Kantona Sarajevo, koje su utvrđene od strane općinskih komisija na području Kantona Sarajevo i isti u roku od 15 dana od dana dobijenih izvještaja dostavlja Vladi Kantona Sarajevo na razmatranje i usvajanje a Federalnom zavodu za statistiku i Federalnoj komisiji za procjene šteta u roku od 15 dana od dana usvajanja;
- predlaže Vladi Kantona Sarajevo visinu sredstava koja bi trebalo obezbijediti za otklanjanje šteta nastalih na području Kantona Sarajevo.

III

Komisija iz člana I ovog Rješenja sastoji se od predsjednika Komisije i četiri člana, te sekretara Komisije.

U sastav Komisije mogu se, ako se ocijeni da za tim ima potrebe, imenovati i druga stručna lica iz odgovarajućih oblasti, sa svim pravima i obavezama kao i članovi Komisije iz tačke I. ovog Rješenja. Imenovanje tih lica vrši Vlada Kantona Sarajevo na prijedlog Kantonalne komisije za procjenu šteta od prirodnih i drugih nesreća.

IV

Komisija se imenuje na period od četiri godine.

V

Kantonalna uprava civilne zaštite obezbjeđuje potrebne uslove za nesmetan rad Komisije iz člana I. ovog Rješenja (prevozna sredstva, opremu, karte sa utvrđenim statističkim krugovima, mjerne alate, fotoaparat, kameru i sl. propisane obrasce, prostor, kancelarija) gdje će Komisija obavljati poslove iz svoje nadležnosti i vršiti stručne, administrativne i druge poslove potrebne za rad Komisije, organizovati radne sastanke Komisije radi obučavanja i osposobljavanja članova Komisije za utvrđivanje procjene štete i popunjavanje obrazaca predviđenih za utvrđivanje štete i vršiti sve druge poslove potrebne za uspješan rad Komisije.

VI

Predsjedniku i članovima Komisije pripada naknada za rad u Komisiji, čiju visinu posebnim rješenjem utvrđuje Vlada Kantona Sarajevo, iz Budžeta Kantona Sarajevo, sredstva Kantonalne uprave za civilnu zaštitu, a u vrijeme angažovanja Komisije.

VII

Danom stupanja na snagu ovog Rješenja prestaje da važi Rješenje o imenovanju Kantonalne Komisije za procjenu šteta od prirodnih i drugih nesreća ("Službene novine Kantona Sarajevo", broj 08/12), broj: 02-05-5265-13/12 od 08.03.2012. godine.

Općinsko vijeće

Na osnovu člana 55. Statuta Općine Ilijaš, Prečišćeni tekst ("Službene novine Kantona Sarajevo", broj 20/09) i člana 99. Poslovnika Općinskog vijeća Ilijaš ("Službene novine Kantona Sarajevo", broj 2/10 i 18/15), Općinsko vijeće Ilijaš, na svojoj redovnoj 39. sjednici održanoj 31. marta 2016. godine, donijelo je

ODLUKU

O DAVANJU SAGLASNOSTI NA PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ZA 2016. GODINU

Član 1.

Daje se saglasnost na PLAN RADA JAVNE USTANOVE "KULTURNO-SPORTSKI CENTAR I RADIO ILIJAŠ" ILIJAŠ za 2016. godinu, broj 07-II-03/2016 od 03.03.2016. godine, koji je sastavni dio ove Odluke.

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-854-4/16
31. marta 2016. godine
Ilijaš

Predsjedavajući
Općinskog vijeća Ilijaš
Damir Filipović, s. r.

Na osnovu člana 40. Zakona o prostornom uređenju Kantona Sarajevo ("Službene novine Kantona Sarajevo", broj 7/05), te člana 23. i 55. Statuta Općine Ilijaš - Prečišćeni tekst ("Službene novine Kantona Sarajevo", broj 20/09), Općinsko vijeće Ilijaš je, na sjednici održanoj 31.03.2016. godine, donijelo

IZMJENE I DOPUNE ODLUKE

O PRISTUPANJU IZRADI REGULACIONOG PLANA "STARI ILIJAŠ"

Član 1.

Ovom Odlukom vrše se Izmjene i dopune Odluke o pristupanju izradi Regulacionog plana "Stari Ilijaš" ("Službene novine Kantona Sarajevo", broj 2/14).

Član 2.

U članu 11. u stavu 1. iza riječi "Plana" briše se zarez i tekst "a najduže dvije godine od donošenja ove Odluke".

U članu 11. iza stava 2. dodaje se stav 3. koji glasi:

"Iz režima zabrane građenja izuzimaju se parcele broj k.č. 1800/38, k.č. 1800/39, k.č. 1800/36, k.č. 1800/37, k.č. 1803, k.č. 1800/47, k.č. 1813, 1800/40, k.č. 1800/41, k.č. 1808, k.č. 1800/42, k.č. 1804, i k.č. 1807 K.O. Ilijaš grad za izgradnju proizvodnog objekta u cilju proširenja pogona za proizvodnju trpezarijskog namještaja, investitora "Drvo Produkt" d.o.o. Sarajevo-Ilijaš."

Član 3.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-854-7/16
31. marta 2016. godine
Ilijaš

Predsjedavajući
Općinskog vijeća Ilijaš
Damir Filipović, s. r.

VIII

Ovo Rješenje stupa na snagu danom donošenja a objavit će se u "Službenim novinama Kantona Sarajevo"

Broj 02-05-10148-8/16
31. marta 2016. godine
Sarajevo

Premijer
Imedin Konaković, s. r.

OPĆINA ILIJAŠ

Na osnovu člana 63. Zakona o šumama Kantona Sarajevo ("Službene novine Kantona Sarajevo", broj 5/13), člana 55. i 104. Statuta Općine Ilijaš - Prečišćeni tekst ("Službene novine Kantona Sarajevo", broj 20/09), Općinsko vijeće Ilijaš, na 39. sjednici održanoj 31.03.2016. godine, donosi

ODLUKU

O DAVANJU SAGLASNOSTI NA PLAN UTROŠKA NAMJENSKIH SREDSTAVA PRIKUPLJENIH OD NAKNADA ZA KORIŠTENJE DRŽAVNIH ŠUMA

Član 1.

Daje se saglasnost na plan utroška namjenskih sredstava u iznosu od 150.000,00 KM prikupljenih od naknada za korištenje državnih šuma na području općine Ilijaš za 2016. godinu za izgradnju, rekonstrukciju i održavanje infrastrukture po slijedećim prioritetima:

- | | |
|---|--------------|
| 1. Sufinansiranje puta Udrabi - Gajine | 60.000,00 KM |
| 2. Put Srednje prema željezničkoj stanici | 70.000,00 KM |
| 3. MZ Kamenica spajanje asfalta zaselak Gaj | 20.000,00 KM |

Član 2.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01/1-02-854-8/16
31. marta 2016. godine
Ilijaš

Predsjedavajući
Općinskog vijeća Ilijaš
Damir Filipović, s. r.

Na osnovu člana 13. Zakona o principima lokalne samouprave u Bosni i Hercegovini ("Službene novine Federacije BiH", broj 49/06 i 51/09), člana 23. i člana 104. stav (1) Statuta opštine Ilijaš - Prečišćeni tekst ("Službene novine Kantona Sarajevo", broj 20/09) i člana 99. stav (1) Poslovnika Općinskog vijeća Ilijaš ("Službene novine Kantona Sarajevo", broj 2/10 i 18/15), Općinsko vijeće Ilijaš, na 39. sjednici održanoj dana 31. marta 2016. godine, donijelo je

ODLUKU

O DAVANJU MIŠLJENJA I SAGLASNOSTI KANTONU SARAJEVO NA PRIJEDLOG ZAKONA O KOMUNALNOJ ČISTOĆI

Član 1.

Ovom odlukom daje se pozitivno mišljenje na Prijedlog zakona o komunalnoj čistoći i saglasnost Skupštini Kantona Sarajevo za njegovo donošenje.

Član 2.

Ova saglasnost važi do usklađivanja navedenog Zakona sa Dopunskom presudom Ustavnog suda Federacije Bosne i Hercegovine, broj: U - 21/09 od 21. 10. 2015. godine i donošenja izmjena Ustava Kantona Sarajevo i Zakona o lokalnoj samoupravi, kako bi se omogućilo obavljanje komunalnih djelatnosti na način kako je to i do sada radeno.